

Каңигақңбаку лъыган саңнегутақа.

Сивукуль нықыңнапихтақуқ қаңиқатагъюхақ.
Нықыңнапихтақуқ. Рыпаль ынкам тыгмегыт тыңныгмың
ахтугъягутакут пуямсухенам. Нықмың ақсим. Нықыңнапихтақуқ.
Ынкам авупихтақут, калъыхкипихтақут. Агъатахпак, суна
имихтупихтақат, қантагурақ. Таўатын ақсинахқақнан
илисимақыпихтақат.

Авупихтақут нықыхкак: мантак, агвывалъук, натын пеқыкит
. қаңиқ пылъугақңан пигутыпихтақа. Акуна тыгмегитақуқ. Аку-
на нунивак найитук. Ситаманың лъиқа укйъинеқыкит.

– Самың-ам нығақат?

– Тамана амалъи минлъыхсахтың нықыкақат.

Ынкам агвыңылъхағақңата, накын ипа нунаның
тутыпихтақут кымгиңгапихлъыгит ют. Ныгынгильхым
кымгимакут. Сама авақтахтуқат гынринаклъуки. Рыпаль
лъыңит ныгылотақыянатың. Иклъумың. Илет ыглыҳсималътың
ынутакут, салугакут.

Илет тутакут агвыгмун-ам, агвыгмың ныгывалъакут.
Пилалъыгмың амалъи икулъыгмың ныгывалъальтың
ақитухтакут. Нынлутегын агвыңумалге анлъупигмың упынгами.
Гъасақ наңытыпихлъуку игунапен пиламат. Нықыңыпихсимат,
накам гъарат питақуқ нықңитақуқ.

Акуна айвығахпынаки Нувуками.

Ынкам-ам ақылъқақ накын ипа тутыпихсимаўқ минагнелге.
Этам игунапен акуна нуна ныгыфкамат таўани.

Укйъогаку-ам атыхта. Мугульге. Лъыган атыхтыпихта. Гу-
ентолам кулигатетыкут. Тага Нынлю атыхта. Кийыпен. Илет
анахтут. Таўхкын гъатын унуга. Агуленихсима анихта. Таўани
ыглыхтыпихтақыялге. Агулегумаўқ. Илупут лъыган сиглыгокут.
Унухпак қавангитукут. Накам унук таклъиюхаглуку.